





霧淨集

夏宇衆著



「霧淨日高星隱去，

九天無語萬緣空！」

霧淨

「重向源頭參去住，

溝頭終古水西東。」

次欣生訪曼殊墓感懷詩



3 0663 0968 7

— I —

20689

848
348.5

霧淨集(甲)

◇ 目錄

群鷺	一
夏日破曉獨步中南海公園口占	一
靜中	二
題詞三首	二
題賈寄民球場小立圖	三
金縷曲	三
次欣生西湖訪曼殊上人墓感懷詩韻	四
冬夜苦風兼簡欣生	六
明知三首	七
浣溪沙	八
減字木蘭花	八

蝶戀花

九

此會

一〇

紀幻虹上人事

一〇

喜聞柏如兄脫險因用其蒙難詩韵賦寄

一二

亡室第二週年忌日燈下感賦

一二

春陰

一三

春思四首

一三

再見

一四

霧淨

一五

霧淨集(乙)

◇ 目錄

聞周念衣師說詩

一七

冬夜學舍樓上對月……………一七

答仲昭姊病中見寄……………一七

初雪……………一八

次韵仲昭姊雪中感懷……………一八

歲暮連日大雪……………一八

春日登金觀山……………一九

詠懷一首呈念衣師……………二一

春日苦雨……………二二

彗星……………二三

暑假同藩甫吉持二先生及佑之兄飲邑中酒樓……………二五

菊花一首鄂垣學舍作……………二五

中秋夜有感兼簡伯平楊臣諸友……………二五

松鄂垣學堂內有小松數株。雜植群卉中。時人不知貴也。……………二六

前題	二七
秋日登洪山塔觀水漲	二八
感事辛亥冬作	二八
倦看一首寄 <u>萬籟天</u> 諸友	二九
冬夜有懷 <u>惕臣</u>	二九
春日同 <u>劉伯平</u> 遊 <u>陶然亭</u>	二九
夜渡 <u>黃河</u> 有感	三〇
夏日避暑 <u>三車菴</u>	三一
<u>伯平</u> 見示春日遊 <u>西山</u> 詩數章賦此答之	三一
譯 <u>美國朗斐羅</u> 雨天	三二
冬夜不寐賦呈 <u>紀泊居師</u>	三三
再謁 <u>泊居師</u> 賦呈	三三
清明日遊 <u>中央公園</u>	三四

大風後馬路上	三四
擬平民學校暑假送別教員歌	三四
前題	三五
暑假返里京漢車中口占	三五
述夢	三七
古井	三七
詩人的心	三九
癸亥除夕達旦不寐枕上口占	四〇
大雨兩週寫此遣悶	四〇
各盡	四一
丙寅端午大醉漫成	四一
秋夜讀思齋遺集	四二
酷暑中讀鄧子尹胡詩廬詩漫題	四三
小立	四三

霧淨集（甲）

起一九三〇年至
一九三二年暑假前

廣濟夏宇衆

群鶯

春日偶遊北海公園作

太息羣鶯不識幾，等閒歌唱度春暉；
繞樹當時事已非！誰爲微禽商得失，
多情應笑吞聲鳥，忍淚林間看浪飛！
爭巢此際枝皆亂，
偶緣佳日惜芳菲；

夏日破曉獨步中南海公園口占

綠陰此際真如海，一片晨曦照獨行；
流鶯何事苦嚶嚶？曉風殘月情原暢，
迴首黑甜鄉裏客，沉沉萬蟻可憐生！
柳岸本來宜蹢躅，
絕早孤吟景更清！

靜中

此外早知無淨土，暫憑危坐着孤身。
普天同難今何世！尺地能專亦夙因！
安用捲簾通一顧，不辭面壁咽千辛。
靜中自有金光入，照澈人間萬劫塵！

題詞三首

友人以一山東女子詞稿數紙見示，且屬品題；觀其所作，
淒婉清麗，得未曾有！因欣然賦此。 十九年五月九日

平時經史只陳陳，失喜清詞入眼新；
解道「斷魂如絮」句，原來漱玉是鄉親！

年來心事似枯僧，刻翠雕紅謝不能！
遺世久拚成獨往，

偶緣佳句一神凝。

『藥爐經卷過清明』，想見深癯太瘦生；
留取心魂好相守，
莫教孤詠動燕京！

題賈寄民球場小立圖

十九年十月二十四日

球場小立者誰乎？
簾捲西風入畫圖！
裝澹定知詩格雅，
神寒遙想性情孤！
羈身異地朋應少，
迴首前塵恨有無？
我亦畸零未聞道，
拈花一笑又踟躕！

金縷曲

冬夜大風；傍母榭旁默坐，有感；兼簡燕生開封。

十九年十一月十一日

何事漂搖久！五年來，風風雨雨，室翹難守。霧重長年飛不進，怕自梳翎回首！不忍見，脩譙癯瘦。索性曉曉啼裏訴，問人間，竟有知音否？千萬匝，繞衰柳！

郊寒本自難求偶！幸蒼蒼，篤生韓子，相同詩酒。生日窮愁何足問？留贈人間瓊玖！獨今日更尋誰某？寂寞生涯原已慣，最難安，白髮盈頭母！身世恨，爲君嘔！

次欣生西湖訪曼殊上人墓感懷詩韵

廿首哀詞字字真，無端歌哭亦前因；曼師泉下伸眉笑，腸斷人間一夢人！

修夜沉沉雨萬絲，佳人獨坐蹙雙眉；傷心最是逃禪際，

尙在纏綿未盡時！

✧ 纏綿未盡感年華， ✧ 結習仍存着散花； ✧ 我亦逃禪逃未得，
✧ 青衫一濕爲琵琶！ ✧

✧ 青衫溼矣倍淒涼， ✧ 且把詞壇作道場； ✧ 懺盡柔情詩萬首，
✧ 人天同日唱繚霜。 ✧

✧ 繚霜唱徹碎歌釧， ✧ 甘謫人間爲愛憐； ✧ 不向蓮邦懺愁去，
✧ 美人如玉不妨禪！ ✧

✧ 忽夢乘槎碧水涯， ✧ 扁舟一葉即爲家； ✧ 玉人長此同朝夕，
✧ 肯信人間有日斜！ ✧

無端夢裏吐長虹，一醒依然泣路窮！
重向源頭參去住，
溝頭終古水西東！

冬夜苦風兼簡欣生

十九年十一月十九日

不風尙苦天難曉，
況挾排山倒海聲！
久倦塵勞思入定，
肯教魂夢逐飛征！
惟將開眼酬長夜，
賴有清詞照短檠；
吟到『中宵扶病』句，
一燈瑟瑟紙窗鳴。

（欣生胡鵠天詞中有『忍凍中宵扶病起』之句）

附欣生次冬夜苦風韻

飄取花枝解宿醒，
小樓聽徹玉簫聲；
蓮更斷續燈初燼，
客夢參差雁遠征。
閑讀楞嚴消永夜，
漫拈清韻對殘檠；
鄰牆更譜瑤階怨，
萬恨千愁指上鳴！

明知三首

十九年十二月二十九日夜深，忽陳步月，返寓後展轉不成寐，枕上口占。

明知此境不平常，探勝孤行一意狂。
太息神山太縹緲，滿襟冰淚度羊腸！

力竭攀躋日漸紅，暫憑危石望瞳矇；
忽然身墮千巖下，又到來時霧氣中！

到此真知路已窮，蓬山原在水端東！
惟持一向朝宗意，靜挂心帆待好風！

浣溪沙

十九年十二月二十六日夜院中望月作

歲欲新時月未圓，雲端時見一彎彎；不教正視更纏綿！

✧ ✧ ✧ ✧ ✧

忍凍中宵扶病立，漸看雲幕逐層牽；安排腸斷到明年！

附欣生和作

歸夢年來未得圓，樓頭怕見月鉤彎；沉兼愁病兩纏綿！
壁上蠅蛸心上事，紛紜萬緒鎮縈牽；藥籠殘燭不成年！

減字木蘭花

民國二十年元旦夜被酒作

眉間心上，年自讓防愁不讓；仔細思量，肯爲新春理舊狂！

✧ ✧ ✧ ✧ ✧

宵長耿耿，往事何須重記省；記省年新，莫厭傷多酒入脣！

附欣生和作

瓊樓月上，歡醉金樽切莫讓；燭底思量，不減當年舊酒
狂！

銀缸耿耿，往事淒涼誰記省？客裏愁新，花下笙歌懶上
脣！

蝶戀花

萬象更新新到柳，眉上心頭、一事還依舊！好句撩人如病酒，
爲伊醺得長年瘦！

+

+

+

+

+

柳弱風輕隄上走，芳草心紅，見說心傷透；舊恨而今拋去否，
綠楊陰裏清明後！

此會

二十年一月二十一日、星期三，立春前半月。

竟先春半月，此會已清新；
況挈年前淚，來談劫後身！
詞壇誰似汝？詩國不能臣。
試立蓬萊頂，孤芳好自尊！

✧ ✧ ✧ ✧ ✧

贏得廬山識面緣，只因身在最高巔；
星期記取逢三日，此是虹銷雨霽天！

紀幻虹上人事

幻虹上人夙耽禪悅，能詩，且善琵琶，身世備極孤苦。余與幻虹無一面緣，因友人徐君屢爲余談幻虹場情軼事、事跡通俗、有足述者，因紀之以詩。

比從徐孺論奇雄，遙指江東說幻虹；
愛訪高山看獨鶴，

偶彈流水送歸鴻。琴心解語驚聾俗，鼎足相歡現大同！
此意微茫誰會得，聲塵色相本來空！

幻虹本自耽禪悅，偶爲琴心誤佛緣；誰識伯牙流水意，
一雙奇女是成連！

成連未老伯牙在，好共乘舟鼓『海潮』；彈罷水仙操一曲，
海天無際證空寥！

相如病肺暫逃空，獅子峰頭聽曉風；知否才人更憔悴，
月明相對感飄蓬！

聞道來平喜可知，有人朝夕卜良時；重逢莫話逃禪事，

先吐春蠶未盡絲！

喜聞柏如兄脫險因用其蒙難詩韵賦寄

未死都疑不可能，忽傳無恙遍親朋；從今好縮降魔手，
重剔書齋有味燈！
孤憤懸知未盡除，生還詩興近何如？多情最是拘幽日，
苦向旁人問起居！

（柏如蒙難詩有：「在我別後應無恙，日日關心是起居」之句）

亡室第二週年忌日燈下感賦

二十年一月二十四日

往事淒迷欲化烟，最難哀樂是中年！自從此夕分攜後，
冷月窺帷廿四圓！

春陰

淮海秋心此際深，
曉陰無賴襲春城；
年來情緒渾如此，
秋氣春陰劃不清！

秦淮海詞有：「曉陰無賴似窮秋」句，爲首聯所本。

春思

中年春思知何似？
恰似幽蘭細細香；
羞作濃芬噴薄出，
襲人微感髮絲涼！

只存悱惻不思狂，
瑟縮情懷太可傷；
倒盡金樽溫幻夢，
摩天一艇拂重洋。

✧

✧

✧

✧

✧

✧

✧

✧

✧

✧

飛盡重洋別有天，
碧城十二恣盤桓；
始知島瘦郊寒意，
不落青蓮醉夢邊！

無量虛空極浪遊，
珠光到處現星球；
儘教一醒皆陳迹，
暫得飛騰即自由！

再見

二十一年春盡前一日，郊遊至西谿，慨然有作。

再見蘋花憶舊遊，
方塘半畝傍汀洲；
曾因風好來相就，
偶爲波多去不留！
一晌情懷終渺渺，
三年歲月總悠悠！
今番又誦前賢句，
『欲採蘋花不自由』！

端已詞：「此度見花枝，白頭誓不歸」。

霧淨

心灰久矣不曾紅，偶化春星薄霧中；霧淨日高星隱去，九天無語萬緣空！

欲寫三星日已紅，更無春霧與駘慵；詩心澹到難尋處，一縷晴絲裊碧空！

(甲集完)

霧淨集(乙)

起一九〇九年
至一九二九年

廣濟夏宇衆

聞周念衣師說詩

◇……………以下宣統元年

得逢海若談秋水，一葉輕舟怖浪層；
出溪始知河伯陋，弄潮今見舵師能！
人間誤守腰壺術，絕港欣瞻指路鐙。
行近天池端側耳，昨宵雷吼已填膺。

冬夜學舍樓上對月

誰會登樓意，清輝濕客裳；
蕭條林影瘦，幽咽笛聲涼。
消長終何極，歡愁枉自傷！
不須惆悵立，孤潔好相望！

答仲昭姊病中見寄

漂泊傷離又一年，詩傳兩地只增憐；
如何此日詩筒內，更向詩中聽病緣！

初雪

入宵寒氣侵重被，
傍曉瓊瑰徧九垓；
匝地平施無險穢，
凌空作勢尙徘徊！
顛狂柳絮光陰速，
清絕梅花節候來；
對此紛紛誰解得，
直須呵手托吟腮。

次韵仲昭姊雪中感懷

幽蘭儷曲韵悠悠，
楚國江天望眼收；
能遣羽衣飛即到，
爭須兩地一時愁！

歲暮連日大雪

歲暮繚雲催短景，
江干連日雪花遒；
飽經凜凜威重逼，
猶覺紛紛意未休！
縱壓臘梅教暫挫，
可逢靈曜鎮長留？
明年柳絮顛狂際，
且問重來結伴不？

春日登金觀山

七名冲天鳳凰◇……以下宣統二年

我家迫金觀，少小時登望；四圍山蜿蜒，環立森樓檜；
峯嵐盡可喜，突兀爭軒昂；忽然一回顧，秀拔朝群岡！
鵬啄不得俯，蛟龍望空驤；春眉拂漢宮，夏瘦焚魯脰。
五岳雖差我，芒屨未許將；茲山一舉足，萬象紛在旁！

+

+

+

+

+

年來客鄂渚，遊計墮渺茫；還家百事牽，去臘始一行；
今朝更閒暇，夙志欣重償。是時春之初，草木萌暉光；
風和兼日麗，緯繡何煌煌！躋攀未云幾，今昔撼我腸！
去臘來此時，草木委且僵；坡秃崖嶽剝，山勢殊頽唐；
坳間有父老，促坐於松篁；冲天鳳凰名，掀鬚告我詳；
導我觀兩翅，拍拍不得翔；指我視其顛，冠裳殊高張。

胡爲至神物，長此雖處囊！豈是文彩異，不入時世妝？
朝霞雖可升，衆嫉叢嬪嬙！靈修聽謠諑，衣佩淪冰霜！
心口語未已，雪花盈我裳；父老詎解此？飛走驅牛羊。

追思當時景，心腎猶攘攘：群鴉噪其上，詡詡相爭王；
訓狐雖微禽，是日聲雷殞：彈殺手力薄，抱志非怯怍。

今者木帝迴，叩闕奏彼蒼；天公惻然憫，翠羽抽潛藏；
縱難待豐滿，摧折安足妨？啾啾簷間雀，狼戾卜稻梁；
應隼具短翮，插翅千丈強；鳳兮時勿失，歲月如風狂！
掉臂超八荒，翎羽摩天揚，壯士馳戰場，恩怨快酬戕！

撫此感身世，豪氣如虹長；安得生兩翅，與汝相頡頏！

詠懷一首呈念衣師

一身與世違，愁巨獨力扛；欲寫楚國風，淺陋不成邦！
少小失學力，如未經琢珵；鑄鑣常戚戚，造次苦撻撻！

去禱侍夫子，憫我語紛曉；提攜几席間，忽若昇崕峴。
膽怯戰未已，耳際聞桴撞；大江與黃河，東注何淙淙！
歷秦更之楚，文物燦塵幢；眉睫煥一新，胸次頓敦龐。
念昔所吟哦，柔脆如朽椿；機絲響候蟲，月夕吠影龍；
譬彼牧童笛，信口無成腔。今得識斗柄，劈箭飛鸞轡；
汪洋萬頃濤，簸蕩何足懼！陽春照煙景，寒夜對殘釭，
感時與撫事，屈筆如橡杌。

昔聞一品題，尙爾拜老龐；豈其去茅塞，而不中心降！
終冀大聖禹，斧鑿導微瀧；宅我秦楚郊，得使觀河江？

春日苦雨

太皞政弛人怨噴，春季惟聞飛霹靂；旱久不雨固無禾，
今雨綿綿安得麥？鎮日重陰閉不開，黑雲鬱菴風翻白；
錯綜萬緒抽繭絲，奮猛千軍交劍戟；郊原慘淡感悽愴，
長夜留礮工叱嚇。

去歲復州淫潦翻，千村萬落蛟龍宅；今年湘楚米價高，
一升糙糲錢盈百！群黎跣踵望春秀，割麥插禾延旦夕；
低田水勢一丈高，沃土蓬蒿兩三尺；義和恇怯不敢馭，
踐鳥鵲翮蟾埋魄；天門跌蕩萬里遙，帝閭欲叫層雲隔！

北方久晴望雲霓，引領長年愁額額；
龜圻春泥五穀枯，
黃塵撲面千里赤。安得鐵索千丈長，
綰結雨脚如束帛？
負以萬牛驅五丁，飛奔北去作膏澤！

嗚呼！安得皓日在目前，北雨南晴成兩獲！

彗星

宣統二年四月

夏夜沈沈月未吐，披衣獨起簷前步；
黯黯森森魂魄清，
衆星攢集如棋布；不敢久留行去眠，
忽矚棖機心目瞿！
伊誰投輓駕天街，萬丈浮橋千尺素；
含芒欲射飛鳥驚，
執帚將奔天狗怖。

憶昨聞自談天翁，云測彗星推軌路，
計經甲子復十年，此星又值來週數。
我時耳聽心自疑，豈謂昨怪今親遇！
人生上壽不滿百，歲星化朔箕騎傳；
衆生擾擾雖多途，趨死疾同蛇壑赴。
前度看星人似今，星今復見人非故！
城笳聲起側耳聽，枝頭風過鶉翻樹，
驢尾蕭梢拂牛斗，我身安得如蠅附？
瞬飛千里極瀛寰，時歷萬年同旦暮；
隨星閱世週復週，滄海桑田頻盼顧！

秦皇漢武窮人力，涉海登山紛造作；
但見青苔邱隴生，不聞白日雲霄駐。
神仙自古信渺茫，飛騰詎果空懷慕！
惟將弔望付後人，亦似我今弔前度！
青天長存造物駛，此心韁鎖常遭住；
但須縱懷逐大化，不用區區辨形寓！
彗星勸爾酒一卮，我已忘形無喜懼！

暑假歸里同藩甫吉特二先生及佑之兄飲邑中酒樓

長夏歸來好息游，登高憑檻一開眸；江山似畫真吾土，
意氣如虹落酒樓。拍拍欲翔雲路渺，堂堂空去歲時遒；
自慚經術無師法，漫逐當年喜賀驪！

菊花一首鄂垣學舍作

曾記看花來小院，白咽紅頰各相矜；可憐秋露如珠琲，
無復香肌似雪冰！雙眼忽明佳菊破，奇葩始信拒霜能！
商聲處處催黃落，日暮依籬笑傲仍！

中秋夜有感兼簡惕臣伯平諸友

中秋本是尋常月，巨耐無端客思生；此夕知君單影苦，
殊方照我七年明！勿憐節候隨蟲唧，且任悲愁恃酒爭；
共趁良宵拚一醉，兔蟾遮莫恣西征！

松

◇……………以下宣統三年

鄧垣學堂內，有小松數株，雜植群卉中，時人不知貴也！

堂前數株松，不與風日礙；偶然寄藩籬，意自在嵒嵒！

✧

✧

✧

✧

✧

憶我初來時，雖立肩莫逮；今茲更抽蕤，偃蓋欲隱背；
昂藏復慘淡，獨立謝衆愛；閒攜同心友，拂袖寄長慨！

✧

✧

✧

✧

✧

旁有數竿竹，奇瘦克相配；窸窣風雨來，哀撞鳴玉佩。
誓心抱歲寒，立志欲其大！

✧

✧

✧

✧

✧

春還桃李闌，紅紫弄姿態；雖云下成蹊，衆嫖抹眉黛；
夸毗我所慚，斥去不復睞！

迴首歲寒姿，枝葉常萎瘁！屈蟠恐無地，誰與理蓁穢？
幾聞神物生，反藉灌與溉！

願將好東絹，直幹放筆續；他年走龍蛇，坐看風雲會！

前題用原韻

桃李作興台，一任天所配；降心隨造物，榮落付時會！

松胡不自暇，霜雪猶菱蕤？茯苓雖奇藥，千歲人莫逮；
成甞志可嘉，等是刮龜背！

昔人得大瓠，早晚勤灌溉，樹成實五石，掇之拙用大！
武侯廟前柏，鬱鬱參天黛；剪伐固不辭，支傾誰復睞！

嗟今更殊古，反覆生憎愛；丹青填素錦，顛倒事藻績；
白衣復蒼狗，尺幅工變態；蕭艾戶盈腰，幽蘭光不佩。
孤高欲拗俗，何異挾嵒岱！雖云梁棟姿，終懼委榛穢！

至人空五蘊，用舍非所礙；攸然達遐觀，安用寄長嘅！

秋日登洪山塔觀水漲

拍天秋水孰能排！牛馬難分隔渚崖；擬順東流誇海若，
又迴西顧憫江隄！「村墟可指破舟火，荆棘相撐填壑骸，」
往事傷心今更甚，陸沉真恐到吾儕！

感事

辛亥冬作

秋風久識蒼生意，吹作狂飈掃劫塵；竟播天聲驚宇內，
可憐野哭咽江濱！論功今日歸新貴，食果何人記遠因？
蒿目憂時成悵望，艱難前路有千辛！

倦看一首寄萬黃蘇諸友

◇……民國元年

到眼河山重復重，長教李杜不相從；
倦看短羽摩層霧，
忍使霜蹄守故蹤！介胄何人追躍馬？
血腥是處染游龍！
夜長同寢無奇士，幾度聞雞欲起慵！

冬夜有懷惕臣

時惕臣留學日本、余在京專習英文
◇……民國二年

嗟余鬱鬱適茲土，今子遲遲又徂東；
各飽風霜問奇字，
獨贏蕭瑟着幽衷！別深語重書難載，
海闊波多夢未通；
况是當年最堪憶，夜深相對一爐紅！

春日同劉伯平遊陶然亭

◇……民國三年

去年曾記君來此，萬斛春愁獨力任；
今日好風將我至，
一亭無恙又春深！韶光掠眼隨流逝，
花氣撩人徹骨侵；

各挈情懷向香塚，殘碑斷碣傍清澗！

✧

✧

✧

✧

✧

極目亭西盤翠嶂，瞥驚爽氣落胸襟；少年喜作移山意，
此日聊覘造化心。漫寫春愁倚高閣，共摩香冢踞孤岑；
芳情料與花爭發，併入溪桃瘦不禁！

夜渡黃河有感

暑假還里途中作

◇

以下民國四年

長車偶駕出幽燕，六跨黃河歲四遷！漫就星槎窮碧落，
更舒雙袖貯雲烟。憑窗片念經千劫，微睡隨風徧九天；
俯瞰橫流湧明月，萬頭無語水潺湲。

夏日避暑二車菴

野草新侵徑，溪聲夏日長；小菴堪笑傲，大地勿廻翔！
柳岸蟬初唱，西疇稻半黃，晝間無一事，高枕意微茫！

伯平見示春日遊西山詩數章賦此答之

東風怒吹催千綠，布愛敷榮春意足；去年同君陶然亭，
正值此日風光淑；凝煙弱柳弄溪潯；照眼天桃媚山谷；
我時遐想涉孤絕，狂吟倚閣聲窮目。今春病襲未出戶，
有似樊籠局鴻鶴；知我邇來懷抱惡，故遣佳句蘇困蹙。
剖函清風入齒頰，一一得自西山麓；索居把玩不忍釋，
坐令奇景如目觸。方今大地正喋血，風日縱佳那忍逐？
知君登覽有深意，淚眼看天寧我獨？

年來作計常自笑，與世背馳從所欲，一身幸庇萬間厦，
寸抱羞種十年木；樹人遠計豈易言，終恐無功徒食粟！

✧ ✧ ✧ ✧ ✧

况復手胼旁行書，朝呻暮唔頭仰屋；同聲未慣怯捲舌，
食字不飽時負腹；國能未得失故行，學步空羸歲月速！
何當相從研故紙，萬卷付與短檠讀！

時伯平肄業北京大學國文門，
余肄業高等師範英語部。

譯美國朗斐羅雨天

◇……民國五年冬

(The Rainy Day By H. W. Longfellow)

陰霾匿白日，寒氣含冰霜；愁腸已九迴，况復風雨狂！
嗟彼葛蔓藤，枯瘦攀頽牆；西風一披拂，僵葉紛飄颺。
撫此感身世，幽晦何時光！青霞鬱奇意，飄忽擢高翔；
獨有夙昔心，慷慨時激揚；坎坷復坎坷，壯志餘悲傷！

悲傷竟何爲？ 顛沛命所常； 須知雲霧外， 麗日仍輝煌！
聞達會有時， 陰雨當復陽； 但使心不移， 宏願終能償！

（此詩係氏國五年冬譯於北京高亨師範學舍，曾在民國六年一月商務印書館出版之英文雜誌

（三卷一號）發表。）

冬夜不寐賦呈紀泊居師

◇……………以下民國七年

年來意馬苦奔騰， 此夕燈前萬念凝。 早恐悠悠感遲暮，
祇今碌碌愧師承！ 宵長撫劍心飛躍， 世亂聞雞舞未能；
獨醒好乘人睡盡， 披衣還看月東升。

都門再謁泊居師賦呈

壬子蒼茫賦北征， 當年自許價連城； 可憐時日多如髮，

贏得寒窗伴短檠！歲暮驚公蒼鬢白，漢南迴首晚鐘晴。
羽毛深惜凌霄意，一集都門歲七更！
在鄂垣學校時，師每於傍晚，爲吾儕數人談講文藝，循循不倦。

清明日遊中央公園

◇……………以下民國十年

學舍光陰彈指過，客中佳節又清明！遙知江漢春先到，
忽憶鄉關夕數驚！御柳盡情搖舊苑，宮花恣意弄新晴；
都人空巷乘時出，誰省邊陲野哭聲！
時際警日急

大風後馬路上

一條馬路淨如鏡，兩點鐘前風正狂；舉國昏迷同失日，
倒翻沙漠切灰黃！

擬平民學校暑假送別教員歌

六月一日夜作

『孟夏草木長』，成陰庇衆鳥；學飛又學鳴，鎮日忙不了。

衆鳥爾何樂？ 我樂上學早！ 衆鳥爾何愛？ 我愛老師好！
老師忽別我， 我淚落不少。 唱歌送師行， 歌聲長繞繞。

前題

熏風時自南， 吹我堂前草； 一吹復一吹， 綠把講堂繞。
小草豈無知， 敢忘熏風吹！ 誰吹我心開？ 老師上堂來。
今朝送師行， 從此天一方； 雖則天一方， 友愛終不忘！

暑假返里京漢車中口占

◇……以下民國十一年

鬱鬱都門居， 悠悠日復夜； 罷課三月餘， 身閒心未暇！
久思襪被去， 況復苦機詐？ 六月二十三， 快車聊一駕；
王張冒雨送， 此意良可謝！

車長不數丈，幸得一榻借；榻旁有明窗，萬象恣迎送。
傍車一行樹，有絲兩頭架；伊誰牽之行，瞬息不稍假。
衆山若馬騰，狂馳孰驅陀？萬物盡北奔，一車獨南下。
幾回站前停，幾回掠石罅；行行復行行，又至黃河瀾；
有橋若長虹，作勢凌空跨；車兒慢慢行，水兒快快瀉；
萬頭齊俯瞰，一一現驚詫。

過此盡平原，落日挂桑柘；維時神已疲，得酒如啖蔗；
頽然入醉夢，那計查票罵？千里供一覺，紅日壓窗射；
昏昏又入夜，遠火見江夏。

近鄉情緒亂，何事雜疑怕？江輪倘無阻，明晚可抵舍；
母今正念兒，夜靜坐風榭；潛行至母前，博母一粲訝！

述夢

民國十一年九月七日

業眼朦朧一見時，
萬方儀態絕思維；
先零肯怨秋來早，
就稿翻憐雨到遲！
戀失自由人世苦，
緣非平等上蒼私，
何當大悟空諸相，
不着天花任所之。

古井

九月七日

在岑寂的山谷裏，
亂石堆中，
荷葉大的面積，
噙着清冷的水，
靜謐的幽居在底下。

北首

幽居十一年了！

太陽和月亮，彈丸般快，在上面跨過。

只有蔚藍的天，

碎金似的星，

沉默的印在裏面。

✧

✧

✧

✧

✧

憑空的，被一個小孩子窺見了！

一顆石子擲下，

起了一陣波紋與迴響——

不是波紋，是安命的微笑；

不是迴響，是迴憶的幽咽！

✧

✧

✧

✧

✧

小孩子走了，

遺下岑寂的山谷；

荷葉大的面積，
噙着清冷的水，
仍舊靜謐的幽居在底下！

詩人的心

一個無線電臺，發出了若干暗記，
地面上各處的電臺，都鈴響不已；
只有那號碼同的，
才了解他的來意。

✧ ✧ ✧
一個詩人的心電，發出了若干字，
人類的心，都強弱不齊的顫起；
只有那同調的心，
才一字一字的陶醉！
✧

癸亥除夕達旦不寐枕上口占

◇……以下民國十三年

無端爆竹轟長夜，入耳深驚歲又更；
一燈伴我異方明！「爐旁竟夕成癡坐，
庭下當年憶舊情，」
阿母今宵料如此，詰朝白髮幾莖生！

大雨兩週寫此遣悶

暑假中大雨連兩週，七月十六日晚更甚，雷雨聲徹夜不停。

暑假一放身心輕，又苦赤日來煎烹；
雖值夏暑同秋清！私心默禱日一雨，

午睡醒來天墨色，霹靂一聲海水側；
滂沱半月層雲騰，滔天浩浩襄邱陵；
仰見屋漏驚堤崩！移床四覓莫可置，
探頭覘天夜數起，起數更覺天難憑！
几案盡濕無由燈。

天難憑，終夕立，恍若兒時聞母泣；癡心望母淚速乾，
詎意母淚落更急！吁嗟乎！安得母面笑容生，
大跳拍手呼天晴！

各盡

◇……民國十四年

各盡所能事，何妨取徑殊！分途急國難，不在共狂呼。

丙寅端午大醉漫成

◇……以下民國十五年

萬方多難逢佳節，一醉安能百念忘？獨喜今年爲客好，
圍城伴母不思鄉！

肯對榴花厭一觥，眼中時事益紛更；山河兩界烽煙遍，
忍畫靈符說避兵！

✧
『野宿貍貅萬竈煙』，宋人句豆萁煎煮已三年；酒醒只合歌蓑楚，
莫唱金和痛定篇；

✧
風雨無巢可避焉，附城百里冷炊煙；思量差幸吾儕樂，
佳節圍城寄一塵！

✧
流鶯處處轉清槐，兩月前時事可哀；今日榴花紅照眼，
竟無消息此徘徊！

秋夜讀思齋遺集

『入坐驚呼變一足』
思齋病足詩原句

當年剪燭話深廊；
時思齋病足方劉治、余往

視疾、君跌坐說詩、精神如虎、
几擺遺集淒涼甚，燈火闌珊夜未央！

酷暑中讀鄭子尹胡詩廬詩漫題

字字珍珠蘊異光，孤懷清絕照虛堂；
潛抽卷內冰霜氣，散入炎天作晚涼！

✧ ✧ ✧ ✧ ✧
絕代由來在澹妝，白描句法自堂堂；
而今新體爭絪縕，更與何人細校量！

小立

◇……民國十八年

讀太戈爾「早晨的太陽，墮在已收穫的，孤寂的田野上」
之句，悄然有懷；因用其意，草成一絕。

小立寒郊有所思，稻疇遺穗一絲絲；
曉光潑眼從天下，不及金黃帶露時！

〔乙集完〕



中 華 民 國 二 十 一 年 七 月

北 平 著 者 書 店 印 行

西 長 安 街 和 記 印 書 館 印 刷

每 冊 定 價 二 角

